

## F A C T V M,

POVR Marie de la Marteliere Dame du Chastelet, femme se-  
parée de biens & d'habitation d'auec Monsieur Maistre Ay-  
mard Allaman Sieur du Chastelet, cy-deuant Conseiller au  
Grand Conseil, appellante d'une Sentence rendue aux Re-  
questes du Palais le 20. Decembre 1650.

*Contre Chalotte Allaman, mariée au sieur Pic, Louis Allaman  
sieur du Guepean, & Renée Allaman heritiers beneficiaires de  
Charlotte de Prye leur grand mere, & les creanciers de ladite  
Charlotte de Prye.*

**L** Adite Dame du Chastelet se plaint, qu'il luy a esté fait deux  
griefs par ladite Sentence.

Le premier, en ce qu'elle n'a pas esté mise en ordre du jour &  
datte des creanciers de feu Monsieur le President du Guepean, aus-  
quels elle auoit esté subrogée, & dont les hypoteques sont du 11. Sep-  
tembre 1577. du 17. Octobre 1579. & du 8. Avril 1599.

Le second grief consiste, en ce que l'on a mis en ordre aupara-  
uant elle, les creanciers & heritiers beneficiaires de Madame du  
Guepean sa belle-mere, & que pour y paruenir on a fait valoir deux  
contracts faux en leur énonciation; sçauoir vn pretendu contract  
de constitution de 1500 liures de rente passé par Monsieur le Presi-  
dent du Guepean, au profit de Monsieur de Bermond Maistre des  
Requestes pour luy faire plaisir seulement le 10. Febvrier 1620. Et vn  
rachapt pretendu fait par Monsieur du Guepean au sieur de Ber-  
mond desdites 1500 l. de rente le 25. May 1624.

Pour entendre ce qui sera dit par cy-apres plus facilement, l'ap-  
pellante a creu qu'elle deuoit mettre la genealogie du sieur Presi-  
dent du Guepean.

François Allaman sieur du Guepean President au  
Grand Conseil, & Charlotte de Prye Dame du  
Guepean sa femme ont eu deux enfans: Sçauoir

René Allaman sieur du Guepean, lequel se  
maria avec  
& de laquelle il a laissé trois enfans:  
sçauoir

Et Aymard Allaman  
sieur du Chastelet,  
qui espousa le 21. O-  
ctobre Marie de la  
Marteliere (qui est  
l'appellante.)

Allaman  
mariée à Mon-  
sieur Pic, inti-  
mez.

Louis Allaman  
sieur de Gue-  
pean, intimé.

Et Renée  
Allaman fille  
maieure, inti-  
mée.

A



Par là il se cognoist que les intimez voyant leur pere ruiné viennent à la succession de Charlotte de Prye leur grand mere par benefice d'inventaire, & qu'ils l'a veulent faire creanciere du sieur du Guepean President son mary, afin de ruiner la succession d'Aymard Allaman sieur du Chastelet, lequel a perdu l'esprit il y à 24. ans, & par vne suite necessaire ruiner ladite Dame du Chastelet la femme qui est l'appellante, en luy faisant perdre les hypoteques qu'elle à sur les biens de son mary, non seulement du iour de son contract de mariage qui est du 21. Octobre 1621. Mais encores comme subrogée aux anciens creanciers de la maison, dont les hypoteques sont du 11. Septembre 1577. du 17. Octobre 1579. & du 8. Avril 1599.

Par la Sentence dont est appel on a fait la distribution des deniers procedant de la vente d'une maison scize rue de la Poterie qui appartenoit au sieur du Chastelet mary de l'appellante, laquelle s'estoit opposée afin d'estre mise en ordre pour son douaire, preciput & habitation, & autres conuentions, les raisons de son opposition estoient la subrogation aux anciens creanciers de la maison, & son contract de mariage.

Les heritiers beneficiaires de Monsieur du Guepean & ses creanciers particuliers ont pretendu, qu'elle auoit en 1624. racheté à Monsieur de Bermond vne somme de 24000 l. laquelle Monsieur du Guepean President son mary auoit empruntée dudit sieur de Bermond le 10. Fevrier 1620. & partant qu'ils deuoient estre mis en ordre deuant l'appellante.

L'appellante au contraire a pretendu que par lesdites subrogations elle deuoit estre preferée comme anterieure en hypoteque: Et que ledit contract de constitution de 1620. & le rachapt de 1624. estoient pieces fausses en tout leur enoncé, & qu'il y en auoit preuve entiere au procez.

Voila les deux questions: Pour ce qui est de la premiere concernant lesdites subrogations, la Cour remarquera s'il luy plaist.

Que lors que l'appellante fut mariée en 1621. avec le sieur du Chastelet, il possedoit alors le Domaine du Roy sciz à Gournay, & qu'ainsi il estoit hypotequé à sesdites conuentions matrimoniales.

Ledit Domaine quelque temps apres ayant esté adjugé & reuendu à Monsieur Pile, le sieur de la Martelliere pere & tuteur de l'appellante, Par ce que le sieur du Chastelet son mary estoit tombé en démence, & qu'il estoit lors en la curatelle de Charlotte de Prye sa mere, voyant que ladite Charlotte de Prye qui estoit tres-mauuaise menagere vouloit toucher & dissiper ses deniers, ledit sieur de la Martelliere s'y opposa, & demanda permission au Lieutenant Ciuil

de faire saisir les deniers, ce qui luy fut permis, & en consequence la saisie faite iusques à ce qu'ils eussent esté remployez en vn autre fond susceptible de pareils hypoteques que ledit Domaine de Gournay: Ce que ladite Dame Charlotte de Prye voyant qu'elle ne pouuoit empescher, elle transigea le 13. May 1633. & s'obligea en son nom propre d'employer ses deniers au payement des anciennes debtes de la maison, & de faire subroger l'appellante en leur lieu & hypoteque: ce qui ayant esté executé il est estrange que par ladite Sentence on ne l'aye pas mise en ordre, suiuant les hypoteques des creanciers auxquels elle estoit subrogée: veu que si ces creanciers (en la place desquels elle est) n'auoient point esté payez, il est sans doute qu'ils seroient à present mis en ordre du iour de leurs contracts.

Car de dire que ces anciens creanciers n'ont pas esté acquittez des deniers de l'appellante, mais de ceux qui prouenoient du Domaine de Gournay appartenant à son mary, & que c'est pour cela que l'on n'a pas eu esgard ausdites subrogations.

La responce est bien prompte, estant certain que le Domaine de Gournay ayant esté reuendu, & les deniers ayant esté payez, cette somme estoit purement mobiliare, & par l'article 178. de la coustume de Paris deuoit estre baillé au sieur de la Martelliere, non seulement premier saisissant mais seul saisissant: Et si il a stipulé qu'ils seroient employez au rachapt desdites rentes avec subrogation expresse à son profit, n'est il pas veritable qu'il l'a pû faire, & qu'il n'a fait tort à personne, puisque pas vn de tous les creanciers ne s'estoit opposé, & partant qu'ils n'auoient plus d'hypoteque par cette raison, & par ce que *saluam fecit pignoris causam*, & par l'exemple des opposans au sceau d'un office qui sont preferez sur le prix d'iceluy: Et parce qu'il est vray que si le doüaire & autres conuentions de l'appellante eussent eu lieu lors de la reuente dudit Domaine, elle eust touché cette somme à l'exclusion de tous les autres creanciers qui n'auoient point saisi, La Cour void l'injustice qui a esté faite à l'appellante par ladite Sentence de ne l'auoir pas mise en ordre suiuant lesdites subrogations, & le mal-jugé paroist d'autant plus que ceux qui disputent aujourd'huy lesdites subrogations, n'ont pas plus de droict que Madame du Guepean mesme, laquelle s'estoit obligée en son nom propre à faire faire lesdites subrogations. Or personne ne doute qu'il ne luy aye esté libre quand mesme elle eust esté creanciere du sieur du Chastelet son fils, de conseruer l'hypoteque qu'elle pouuoit auoir sur le Domaine de Gournay, où le laisser perdre, de s'opposer à la vente ou ne s'y opposer pas, de saisir les deniers en proportion ou ne les saisir pas.

Le second grief que l'on a fait à l'appellante, consiste en ce que l'on n'a pas eu esgard à l'inscription de faux qu'elle auoit formée contre le pretendu contract de constitution desdits 1500 l. de rente du 10. Fevrier 1620. & le pretendu rachapt du 25. May 1624. & qu'au contraire on a fait valoir à son préjudice, & de plusieurs legitimes créanciers vne fausseté qui importe de plus de 64000 l. & qui luy fait perdre ses conuentions matrimoniales.

L'appellante a iustifié cette fausseté par toutes sortes de preuues, elle a cotté 12. articles de presomptions qui en contiennent chacun plus qu'ils n'en faut pour dire que ces presomptions sont *luce meridiana clariores*, qu'elles sont *iuris & de iure*, & que ce sont *apertissima rerum argumenta*.

Outre ces presomptions elle a rapporté trois contracts autentiques passez pardeuant Notaires du Chastelet de Paris, & qui sont morts il y à long-temps, qui iustifient le faux dudit pretendu rachapt si certainement qu'il est impossible d'en douter.

L'appellante auoit encores vne troisieme preuue, qui estoit la confession que luy ont faite les intimez: mais comme elle est extrajudicielle, & que par vne insigne chicane ils n'ont pas voulu respondre, lors qu'elle les a fait sommer de declarer s'ils ne sont pas demeurez d'accord que ledit rachapt estoit faux, qu'ils le scauoient, qu'ils le luy auoient aduoué, ils ont demandé du temps pour y aduifer, l'appellante ne se seruira que des deux premieres sortes de preuues.

Pour commencer à faire voir la fausseté desdits contracts, La Cour remarquera, s'il luy plaist, que Monsieur de Bermond Maistre des Requestes voulant acheter les terres de Moncel & Mortry en Champagne, afin d'éuiter les frais d'un decret & autres droicts, il s'aduifa d'un moyen qui se pratique assez ordinairement, qui est de les acquerir souz pretexte d'eschange. Et pour ce il pria Monsieur du Guepean de luy passer vn contract de constitution de 1500 l. de rente, afin de s'en seruir à son dessein, ce que ledit sieur du Guepean fist le 10. Fevrier 1620.

La proximité des personnes, la proximité des dattes, & la proximité du prix font voir que ce contract n'estoit qu'une simulation, pour les personnes, Monsieur du Guepean Maistre des Requestes, & President au grand Conseil, & Monsieur de Bermond Maistre des Requestes estoient extremement amis confreres au grand Conseil, Confreres en la charge de Maistre des Requestes, & leurs familles fort vnies.

La proximité des dattes de la constitution, & du contract d'eschange

change de ces terres s'y rencontrent encores, l'un à Paris le 10. Feb-  
vrier 1620. l'autre à Troyes le 3. Mars 1620. dix-huict iours apres, &  
pour la proximité du prix la constitution est de 24000 l. & l'eschan-  
ge est de 21600 l. ce qui joint ensemble fait bien voir que ce contract  
de constitution a esté fait par vn amy pour faire plaisir à son amy.

La seconde presumption de cette simulation resulte, de ce que  
Monsieur du Guepean President estant mort au mois de Iuin 1620.  
qui ne sont que quatre mois apres, inuentaie fut fait de ses biens, &  
dans cet inuentaie où il est fait estat de toutes ses debtes actiues &  
passiues, il n'est point fait mention de ladite pretendue rente de  
15000 l. quoy que cette somme fust assez considerable.

Après la mort de Monsieur du Guepean qui auoit laissé deux enfas,  
Madame du Guepean fut tutrice d'Aimard Allaman sieur du Cha-  
stelet son fils, elle luy a rendu compte de sa tutelle le 12. Octobre  
1621. est-il fait mention de cette dette? point du tout.

Le 19. Octobre 1621. Aimard Allamand & René Allamand son  
frere partagerent les biens du President du Guepean, & dans ce par-  
tage nulle mention de cette dette.

Le 5. May 1624. ces deux freres font vn estat tres exact de tous les  
Papiers & de toutes les debtes de la maison, où chacun se charge d'ac-  
quitter les rentes y mentionnées, qui sont toutes spécifiées par le  
menu iusques à des debtes de 50 l. & dans cet estat nulle mention de  
cette dette.

Ces deux freres ont passé plusieurs actes ensemble, entr'autres il y  
en a deux, dont l'un est du premier Avril, & l'autre du 22. Septembre  
1625. portant promesse d'Aymard à René de payer les rentes passi-  
ues de la succession, est-il fait mention de 1500 l. de rente? point du  
tout, & pourtant la datte en est fort considerable, car c'estoit vn an  
apres ce pretendu rachapt, & c'estoit le temps où sans doute on en  
deuoit parler si cette dette eust esté veritable: mais on ne cognois-  
soit point cette dette par ce que ce n'estoit qu'une feinte.

Ces freres se sont passez plusieurs indemnitez les vns aux autres, ils  
en ont donné plusieurs à Madame du Guepean leur mere, entre les-  
quelles il y en a vne du 2. Iuin 1624. qui n'est que huict iours apres  
ce pretendu rachapt de 24000 l. est-il fait mention de ce rachapt?  
point du tout: s'il eust esté veritable n'en eust-on point parlé huict  
iours apres.

Voila la troisieme presumption de la simulation, nulle mention  
de cette dette dans le compte de tutelle, dans les partages, dans les  
estats des debtes de la maison, dans les actes respectifs qui se font  
entre les freres dans les indemnitez qu'ils donnent à leur mere.

bref dans nul papier de la maison.

La quatriesme presumption est que iamais depuis la creation de cette rente pretendue de 1500 l. ny depuis la mort de Monsieur le President du Guepean, aucuns arrerages n'ont esté payez ny demandez ny par Monsieur de Bermond ny par la Damoiselle Hannequin à laquelle on pretend qu'elle auoit esté cedée, ny par Madame du Guepean, ne s'en trouue nulle quittance, nulle demande, poursuite, assignation, tiltre nouuel, bref nul acte qui puisse faire presumer qu'elle aye iamais esté deüe.

La cinquiesme presumption procede, de ce que si cette rente auoit esté veritablement deüe lors que le sieur de Bermond a transporté à la Damoiselle Hannequin 1350 l. de rente sur le President du Guepean en la partie de 1500 l. il y auroit eu quelque signification faite audit sieur du Guepean ou à ses heritiers, puis que le transport ne fait que du iour de la signification : mais il n'y a rien du tout, point de signification, point d'acceptation du transport, il n'a point esté déclaré executoire, bref nulle procedure.

Pour la sixiesme presumption, la Cour remarquera, s'il luy plaist, que le rachapt pretendu fait par Madame du Guepean desdits 1500 l. de rente est datté du 25. May 1624. & qu'il est dit dans ce rachapt que Monsieur de Bermond auoit eu par contract du 13. Sepiembre 1622. retrocession des 1350 l. de rente qu'il auoit cedée par l'eschange du 5. Mars 1620. à la Damoiselle Hannequin.

Si cela est, Madame du Guepean doit auoir cette retrocession, & l'a doit iustifier, ce qu'elle ne scauroit faire : car il est bien certain qu'il n'y a iamais eu de retrocession faite, parce que l'on fera voir cy apres que ce contract de constitution que l'on dit que Madame du Guepean a rachapté à Monsieur de Bermond en 1624. estoit encores en 1626. entre les mains de ladite Damoiselle Hannequin, & partant qu'il n'y a point eu de retrocession ny de rachapt fait, ny en 1622. ny en 1624. Et par quelle raison & par quelle justice peut-on exempter Madame du Guepean, & ceux qui veulent faire valoir vne fausse debte au préjudice de plusieurs creanciers legitimes, de représenter ladite retrocession énoncée dans ce pretendu rachapt.

Il y a bien plus, & cecy seruira de septiesme presumption depuis 1624. iusques à present, Madame du Guepean n'a iamais signifié à Mr du Chastelet qu'elle eust fait ce rachapt à Monsieur de Bermond.

La grosse ny la minutte de la constitution ne fait aucune mention de ce rachapt, & ce qui est bien remarquable, c'est que la grosse de la constitution n'a esté scellée que cinq ans apres ledit rachapt. La signification de ce pretendu rachapt n'a esté faite par Madame du

Guepean que sept ans après, & encores au valet du fils aîné, sans demander d'arrérages, sans assignation, sans poursuite 26. ans durant.

Tout resiste lors que l'on veut faire passer le faux pour le vray, & afin de le voir plus clairement par les pieces mesmes qui sont produites au procez, il est iustificié qu'au temps du pretendu rachapt que l'ordonnance du 25. May 1624. ladite Dame du Guepean n'auoit point d'argent: car il se void que le 17. Avril 1624. elle auoit emprunté d'un nommé Chevrier vne somme de 8000 l. elle auoit emprunté 2000 l. d'un autre, & le 14. May, qui ne sont que huit iours auant ledit rachapt ladite Dame auoit en ores emprunté vne partie de 8000 l. le tout pour terminer vne grande affaire avec Madame Saulnier, dont la transaction fut faite le 24. May, iour precedent ledit pretendu rachapt.

Et d'ailleurs il est bien certain que si elle eust eu de l'argent qu'elle eust payé ses debtes, & qu'elle venoit de contracter & non pas celles des enfans ou elle n'estoit point obligée, qui estoient incogneues dans la famille, desquelles on ne demandoit rien, & quand mesme elle eust eu de quoy payer ses debtes & celles des enfans, elle n'eust pas acquité les dernieres ny des rentes qui estoient constituees au denier seize pour en laisser d'autres, dont l'interest courroit au denier douze, & qui estoient de tres ancien hypoteque comme celles auxquelles ladite Dame du Chastelet appellante a esté subrogee en 1633. voila la huitiesme presumption.

La neuuiemesme, se peut tirer d'un acte passé en 1626. entre le sieur du Chastelet & ladite Dame du Guepean sa mere, par lequel elle se fait donner par ledit sieur du Chastelet la terre de Concreffault, lors qu'elle a accepté ladite donation, à-t-elle fait aucune reserve? à-t-elle pretendu auoir fait ce rachapt, & que son fils luy deust quelque chose, & s'il eust esté vray qu'il eust esté debiteur enuers ladite Dame du Guepean, n'eust-il pas songé à payer ses debtes plustost qu'à luy donner son bien?

Quand elle a esté esleue curatrice de M. du Chastelet qui perdit le iugement en 1627. & quand elle a esté condamnée à rendre les deniers dotaux à l'appellante, à-t-elle iamais fait aucune reserve, n'y pretendu qu'il luy fust rien deub, bref il n'y a pas vn papier dans la maison qui parle de cette debte, & au contraire il n'y a pas vn acte duquel on ne puisse tirer des coniectures inuincibles que cette debte & ce rachapt que l'on veut faire passer pour bons, sont entierement faux.

Mais voicy vne dixiesme presumption qui est assez concluante toute seule, & qui peut difficilement recevoir de responce. Madame

du Guepean a compté avec René Allaman son fils aîné le 26. Decembre 1630. & par ce compte il luy est debiteur de 2080. l. seulement dont les causes sont exprimees, il n'est point fait de mention de ce pretendu rachapt de 24000 l. cette debte n'est point referuée, comment peut-on dire qu'elle fust veritable, & par dessus il se peut faire vne remarque bien considerable, c'est que Madame du Guepean pretend auoir fait signifier ce rachapt de 24000 l. audit René Allaman son fils le 21. Neuenbre 1630. & le compte qu'elle a fait avec luy est du 26. Decembre 1630, qui n'est qu'un mois apres, auoit elle desia oublié qu'il luy fust rien deub, car de dire que le sieur du Chastelet fust debiteur tout seul de cette partie, cela ne se peut pas, puisqu'il n'a peu deuoir cette somme que comme heritier pour moitié de Monsieur du Guepean, si elle estoit deuë, que non, & outre ce il est impossible que cela soit, puisque depuis la signification pretenduë faite par Madame du Guepean à René Allaman le 21. Neuenbre 1630. il n'a peu se passer aucun acte entre ses freres, d'autant que Monsieur du Chastelet estoit en demence, & que Madame du Guepean estoit sa curatrice.

Voicy vne autre preuue de la nature de la precedente, René Allaman passale 28. Decembre 1635. vne autre obligation de 12000 l. à Madame sa mere desquels 12000 l. il y en a porteladite obligation 6000 l. du reuenu d'Aymard Allaman, & 6000. l. du reuenu de ladite Dame du Guepean, comment peut-on accorder qu'Aymard Allaman aye deub à sa mere 24000 l. puisqu'elle a de l'argët de reste de son reuenu & qu'elle le preste à son fils aîné, & c'est l'ii. prescriptio.

La douzième par laquelle il faut finir, autrement on n'auroit iamais fait si on vouloit tirer toutes les inductions qui se peuuent faire & qui resultent de cent pieces differentes, & qui toutes separément & conjointement font voir la fausseté de ce pretendu rachapt, Aymard Allaman auoit entre ses biens, comme il a esté dit cy-dessus, lors qu'il espouza l'appellante, le Domaine de Gournay lequel ayant esté reuendu à la charge de rembourser le sieur du Chastelet, ses deniers furent saisis par le sieur de la Marteliere pere de ladite Dame du Chastelet, Madame du Guepean qui estoit curatrice dudit sieur du Chastelet, fist lors tout son possible pour toucher ces deniers: ce qu'elle ne pût faire qu'apres qu'elle eust fait vne transaction qui est produite au procez, par laquelle Madame du Chastelet consentit qu'elle touchast ses deniers, à condition qu'elle s'obligeoit en son nom propre de les employer au payement des rentes anciennes de la maison, & de l'a faire subroger en ses hypoteques.

Et quoy si Madame du Guepean eust fait ce pretendu rachapt à

Mon-

Monsieur de Bermond, & qu'elle eust esté en ses droicts & hypotèques qui estoient de 1620. s'il eussent esté veritables, n'est-il pas certain qu'elle n'eust pas manqué de le dire, mais en 1633. il y auoit de la pudeur d'alleguer vne fausseté de si fraischedatte, Monsieur de la Martelliere viuoit qui scauoit les affaires, bref la conscience ou la crainte la retenoit, & cependant aujourdhuy que l'on n'a qu'une pauvre veufue à ruiner, on ne fait plus ces difficultez, les petits enfans sont plus hardis que la grand' mere, ils esperent en faire accroire à la Justice qui ne desmeslera pas vne si longue fuzée.

Si apres auoir consideré toutes ces présomptions qui contiennent en 12. articles cent preuues concludantes, il y a quelqu'un qui ne soit pas satis-fait, l'appellante espere que les contracts qu'elle a produits pour iustifier la fausseté dudit pretendu rachapt acheueront de conuaincre l'esprit de Messieurs ses Iuges.

Pour faire voir que le rachapt pretendu fait par Madame du Guepean de 1500 l. de rente à Monsieur de Bermond le 25. May 1624. est faux dans son énoncé, c'est que ce contract de 1500 l. de rente auoit esté cédé par Monsieur de Bermond au moins 1350 l. de rente, en ces 1500 l. à la Damoiselle Hannequin dès le 3. Mars 1620. & quoy qu'il soit dit par ledit rachapt, que ledit sieur de Bermond en auoit eu retrocession en Septembre 1622. Cela est pareillement faux, puisque ladite Damoiselle Hannequin auoit encores l'original de ce contract, de ces 1350 l. de rente le 22. Iuillet 1626. comme il paroist par la cession qu'en a fait ladite Damoiselle Hannequin au sieur Falcon, pardeuât Coustard & Vassets Notaires au Chastelet de Paris.

*Nota.*

*L'original de la constitution ne peut estre en deux mains differentes.*

Or il est impossible que le 25. May 1624. Madame du Guepean aye racheté à Monsieur de Bermond lesdits 1500 l. de rente, & que Mr de Bermond luy aye rendu la grosse dudit contract de constitution.

Puis que ladite Damoiselle Hannequin auoit encores le 22. Iuillet 1626. (qui sont deux ans apres) l'original du contract de constitution de ladite rente de 1500 l. comme il est expressement porté par la cession qu'elle en a faite audit Sr Falcon pardeuât Coustard & Vassets.

Il est certain de necessité inuincible, que l'un ou l'autre de ces contracts est faux: car il est impossible absolument, & ne se peut faire que cette rente fust due à Madame du Guepean, au moyen du rachapt pretendu par elle fait, & à ladite Hannequin en mesme temps.

*Le rachapt de 1624. ou la cession de 1626. faux par necessité.*

Pour faire voir que ledit pretendu rachapt du 25. May 1624. est faux en tout son énoncé, ce qui a esté dit cy-dessus est plus que suffisant.

Et pour appuyer au contraire la verité du transport fait par ladite Damoiselle Hannequin audit sieur Falcon le 22. Iuillet 1626. desdits 1350 l. de rente.

*Lequel des deux ingenera-on faux.*

La Dame du Chastelet a encores recouuert trois contractz passez pardeuant Notaires du Chastelet de Paris, le lendemain 23. Iuillet 1626. Apres quoy il n'y a pas lieu de douter comme cette affaires'est passée.

*Le tout sans  
doute iustifie  
que ces con-  
tracts n'ont  
iamais esté  
qu'un accom-  
modement.*

Il est vray que la Damoiselle Hannequin auoit vendu les terres du Moncel & Mortry, au sieur de Bermond, afin d'auoir de quoy payer ses debtes, neantmoins cette vente fut desguisée par le moyen de l'eschange de ce pretendu contract de constitution, qui n'a esté que le moyen de leur accommodation, & Monsieur de Bermond chargé d'acquiter les debtes de ladite Hannequin, luy deuoit retroceder ce pretendu contract de constitution qui n'estoit qu'une feinte, & qui se pratique assez souuent.

En effect, Monsieur de Bermond ayant payé aux creanciers de ladite Hannequin, sçauoir à Catherine de Paris, la veufue le Iay, à Monsieur de Paluau Conseiller en la Cour, & à Monsieur de Bragelonne la somme de treize mil huit cens liures. Le sieur de Bermond compta avec ladite Hannequin le 23. Iuillet 1626. & luy retroceda cette somme.

Mais comme 13800. liures ne faisoient pas 21600. liu. qui estoient veritablement deubs par le sieur de Bermond à lad. Hannequin: Le mesme iour 23. Iuillet 1626. ladite Hannequin presta par Contract de constitution passé pardeuant Notaires au Chastelet de Paris au sieur de Bermond, la somme de 4000 liures, laquelle a depuis esté rachetée par Monsieur Gontier Conseiller en la Cour. Et comme ces deux sommes ensemble ne faisoient encores que 17800 liures; Un troisieme contract fut passé le mesme iour entre les mesmes parties, par lequel ladite Damoiselle Hannequin baille au sieur de Bermond une somme de 3360. liures.

Pour entendre ce contreft, il faut sçauoir que ladite Hannequin auoit mis deux filles Religieuses, sçauoir Marie à Poissy & Geneuiefue à la Sauflaye, & leur auoit constitué à l'une cent vingt liures, & à l'autre 90. liures de rente viagere sur tous ses biens, & que par consequent les terres du Moncel & Mortry estoient hypotequées à ces debtes: C'est pourquoy Monsieur de Bermond qui les auoit achetées, auoit interest de s'assurer, & c'est la raison pour laquelle ladite Hannequin luy baille la somme de 3360. l. pour payer du reuenu les arrerages de ces pensions, & au cas d'extinction, luy rendre le principal.

Ces trois contractz font ensemble 21160. liures, qui est fort pres de la somme de 21600. liures, pour le surplus il est aisé de voir qu'il fut payé manuellement, ou desduit pour quelques frais.

Tous ces Contrac̃ts sont produits par la Dame du Chastelet, desquels si l'on considere la teneur, si on en considere la date du 23. Iuillet 1626. dont ils sont tous trois : Si on considere que le iour de deuant qui estoit le 22. Iuillet 1626. ladite Dame Hannequin auoit cedé au sieur Falcon les 1350 l. de rente qui luy auoient esté baillées par Monsieur de Bermond. On iugera aysement que Monsieur de Bermond s'est seruy du nom de Monsieur de Guepean pour ledit contrac̃t de constitution, qui n'a esté qu'un moyen d'accommodement, Que le rachapt pretendu fait par Madame du Guepean n'est qu'une simulation, Que tout l'enoncé est faux, puisque certainement cette mesme rente estoit entre les mains de la Damoiselle Hannequin deux ans apres, comme il paroist par le transport qu'elle en a fait au sieur Falcon, auquel porte le transport. Elle a baillé l'original de ladite constitution, ce qui est d'autant plus veritable, que le transport fait le 22. Iuillet 1626. est appuyé de trois autres contrac̃ts faits le lendemain, qui est le 23. Iuillet 1626.

Après tout ce que dessus, on ne peut pas dire que la Dame du Chastelet veuille faire iuger un contrac̃t faux par des presomptions, mais bien par des contrac̃ts authentiques, dont la foy & la verité n'est pas reuocquée en doute.

Et puis que les contrac̃ts que produit la Dame du Chastelet, portent expressement le contraire de ce qui est porté par le pretendu rachapt de 24000. l. dont les heritiers de Madame du Guepean se veulent seruir, qui peut dire que la fausseté de ce rachapt ne soit pas prouuée par contrac̃ts passez pardeuant Notaires.

Mais appellera-t-on des presomptions tout ce qui a esté dit cy-deuant, ne sont-ce pas des conuictions infailibles, & plus claires que le iour? Oüy sans doute, si l'on veut ouurir les yeux, & si la Iustice n'est auégle.

Et ce qui est plus surprenant, est que Monsieur du Guepean & Madamoiselle du Guepean ont aduoué à la Dame du Chastelet pendant qu'ils croyoient estre d'accord, que ce rachapt estoit faux, & qu'il n'en estoit rien deub, & que Madame du Guepean leur grâd mere, par un codicille posterieur à son testament, auoit deffendu à ses heritiers de s'en seruir.

Aussi ladite Dame du Chastelet croyant qu'ils ne disconuierdroient pas de cette verité, & ne voudroient pas se seruir d'une piece fausse, recognüe telle par eux, les a fait sommer de declarer s'ils entendoient s'en seruir, & s'ils ne scauoient pas bien qu'elle estoit fausse; mais ny les uns ny les autres n'ont voulu faire de responce, & ont dit qu'ils en prendroient conseil, cōme si lo'n auoit besoin d'avis pour respondre s'ils scauent où s'ils ne scauent pas qu'une piece est fausse.

Cependant cette fausseté est importante, de 64000. l. & va à fai-

re perdre entièrement à la Dame du Chastelet ce qui luy est deub pour son doüaire, preciput & habitation.

C'est pourquoy la Dame du Chastelet supplie la Cour de declarer faux le contenu & l'enoncé au pretendu rachapt, du 25. May 1624. & ordonner que ladite piece sera regettée.

Et qu'il a esté mal-jugé par la Sentence dont est appel, tant à l'égard du premier que second grief de l'appellante, à laquelle seront adiugées les fins & conclusions qu'elle a prises avec despens.



Après tout ce que dessus, on ne peut pas dire que la Dame du Chastelet veuille faire ingérer en son contrat faux par des présumptions, mais bien par des contrats authentiques, dont la foy & la vérité n'est pas en doute.

Et puis que les contrats que produit la Dame du Chastelet portent explicitement le contraire de ce qui est porté par le prétendu rachapt de 4000 l. dont les héritiers de Madame du Guebec se veulent servir, qui peut dire que la fausseté de ce rachapt ne soit pas prouvée par contrats passés pardevant Notaires.

Mais appellera-t-on des présumptions tout ce qui a été dit & écrit, selonc ce que des convictions insaisissables & plus claires que le jour. Où sans doute, si on veut ouvrir les yeux, & si la vérité n'est aveugle.

Et ce qui est plus surprenant, est que Monsieur du Guebec & Madame du Guebec ont avoué à la Dame du Chastelet pendant qu'ils croyoient estre d'accord, que ce rachapt estoit faux, & qu'il n'en estoit rien de vrai, & que Madame du Guebec leur grand mere, par un codicille postérieur à son testament, avoit destiné à ses héritiers de son vivant.

Aussi ladite Dame du Chastelet croyant qu'ils ne dissimuleroient pas de cette vérité, & ne vendroient pas le vivant d'une piece fautive, reconnue telle par eux, les a fait sommer de déclarer s'ils en- tendroient en servir, & s'ils ne le feroient pas bien du, elle estoit fautive; mais par les uns & les autres n'ont voulu faire de réponse & ont dit qu'ils en prendroient conseil, comme si l'on avoit besoin d'avis pour répondre à la question s'ils ne servent pas d'une piece fautive.

Cependant cette fausseté est importante de 4000 l. & a été fait pendant que ces deux parties se disputent, & que l'on ne peut pas dire que la Dame du Chastelet veuille faire ingérer en son contrat faux par des présumptions, mais bien par des contrats authentiques, dont la foy & la vérité n'est pas en doute.